



SLUŽBENE NOVINE

KANTONA SARAJEVO

Godina XXX - Broj 48

Četvrtak, 4. 12. 2025. godine
SARAJEVO

ISSN 1512-7052

KANTON SARAJEVO

UREDBU

O NAČINU OBRAZOVANJA RADNIH TIJELA KOJE
OBRAZUJE VLADA KANTONA SARAJEVO I
RUKOVODIOCI KANTONALNIH ORGANA DRŽAVNE
SLUŽBE I NAČINU UTVRĐIVANJA VISINE NAKNADE
ZA RAD U RADNIM TIJELIMA

POGLAVLJE I - OSNOVNE ODREDBE

Član 1.

(Predmet)

Ovom uredbom uređuje se način obrazovanja radnih tijela koje obrazuje Vlada Kantona Sarajevo (u daljnjem tekstu: Vlada) i radnih tijela koje obrazuju rukovodioci kantonalnih ministarstava, samostalnih kantonalnih uprava, samostalnih kantonalnih upravnih organizacija, uprava i upravnih organizacija koje se nalaze u sastavu ministarstava i stručnih službi koje osniva Vlada (u daljnjem tekstu: radna tijela kantonalnih organa državne službe i stručnih službi), sastav radnih tijela, te kriteriji za ostvarivanje prava na naknadu za rad u radnim tijelima i visine naknada za rad u radnim tijelima.

Član 2.

(Izuzeci u primjeni)

Ova uredba se ne primjenjuje na radna tijela čije je obrazovanje, sastav članova, način rada i visina naknade za rad regulisano posebnim zakonima ili drugim propisima.

Član 3.

(Rodna neutralnost izraza)

Izrazi koji se koriste u ovoj uredbi, a imaju rodno značenje koriste se neutralno i odnose se jednako na muški i ženski rod.

POGLAVLJE II - RADNA TIJELA, ROKOVI ZA OBAVLJANJE POSLOVA I ZADATAKA I IZVJEŠTAJ O RADU

Član 4.

(Radna tijela)

- (1) Radna tijela u smislu ove uredbe su:
- stalna radna tijela koja obrazuje Vlada (u daljnjem tekstu: stalna radna tijela Vlade) i povremena radna tijela koja obrazuje Vlada (u daljnjem tekstu:

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 36. stav (2) Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19, 40/22 i 6/25), Vlada Kantona Sarajevo, na 103. sjednici održanoj 20.11.2025. godine, donijela je

povremena radna tijela Vlade), kao što su: savjeti, uredi, komiteti, odbori, komisije i dr., koje obrazuje Vlada u skladu sa propisima Kantona Sarajevo kojima se uređuje rad Vlade, za razmatranje pitanja iz nadležnosti Vlade, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade, kao i za vršenje poslova u skladu sa posebnim propisima ili obavezama utvrđenim međunarodnim sporazumima,

- b) radna tijela kantonalnih organa državne službe i stručnih službi koja se obrazuju po potrebi ili na osnovu posebnih propisa, kao povremena ili stalna radna tijela, a posebno radi:

- 1) provođenja procedura i predlaganja imenovanja odnosno postavljenja,
- 2) provođenja redovnog godišnjeg popisa stalnih sredstava, obaveza i potraživanja,
- 3) provođenja postupka javnih nabavki.

- (2) Radna tijela kantonalnih organa državne službe i stručnih službi se mogu obrazovati samo za poslove i zadatke koji nisu obuhvaćeni opisom poslova radnih mjesta zaposlenih u kantonalnom organu državne službe ili stručnoj službi, kao i za poslove i zadatke za koje je posebnim propisima utvrđeno da ih obavlja posebno radno tijelo.
- (3) Izuzetno od stava (2) ovog člana, radna tijela iz stava (1) tačka b) ovog člana se mogu obrazovati i za poslove i zadatke koji su izuzetno složeni i koje ne mogu obaviti samo zaposleni u kantonalnom organu državne službe ili stručnoj službi, bez saradnje sa drugim organima državne službe, drugim nivoima vlasti ili vanjskim saradnicima koji su stručnjaci iz odgovarajuće oblasti.

Član 5.

(Sastav radnih tijela)

- (1) Sastav i nadležnost stalnih radnih tijela Vlade i povremenih radnih tijela Vlade propisuje se aktom o obrazovanju radnog tijela (u daljnjem tekstu: akt o obrazovanju).
- (2) Sastav i nadležnost radnih tijela kantonalnih organa državne službe i stručnih službi utvrđuje se aktom o obrazovanju koji donosi rukovodilac kantonalnog organa državne službe ili stručne službe (u daljnjem tekstu: rukovodilac), u skladu sa posebnim propisima.
- (3) Članove radnih tijela iz stava (1) ovog člana, imenuje Vlada, iz reda članova Vlade ili iz reda izabranih nosilaca funkcija, savjetnika, državnih službenika, namještenika i vanjskih saradnika koje predlažu premijer Kantona ili rukovodilac.
- (4) Članovi radnih tijela iz stava (2) ovog člana mogu biti zaposlenici jednog ili više kantonalnih organa državne službe ili stručnih službi, kao i vanjski saradnici koji su izabrani zbog svoje stručnosti u odgovarajućoj oblasti.
- (5) Broj članova radnih tijela iz člana 4. ove uredbe, ne može biti veći od pet, uključujući i predsjednika radnog tijela.
- (6) Izuzetno od stava (5) ovog člana, kada se radi o izuzetno složenom poslu ili zadatku koji se ne može obaviti bez saradnje sa drugim organima državne službe, drugim nivoima vlasti ili vanjskim saradnicima iz odgovarajuće oblasti, kao i u slučajevima kada je broj članova određenog radnog tijela utvrđen posebnim propisom,

radno tijelo može imati i veći broj članova, s tim da konačan broj članova mora biti neparan.

- (7) Aktom o obrazovanju, iz reda članova radnog tijela, određuje se lice koje će obavljati posao predsjednika radnog tijela, koji koordinira rad radnog tijela i određuje konkretna zaduženja za članove radnog tijela i sekretara radnog tijela.
- (8) Aktom o obrazovanju može se odrediti lice koje će obavljati poslove sekretara radnog tijela, odnosno administrativno-tehničke poslove za potrebe radnog tijela, koje nema pravo glasa prilikom odlučivanja.

Član 6.

(Sadržaj akta o obrazovanju)

Akt o obrazovanju obavežno sadrži:

- a) imena i prezimena predsjednika i članova radnog tijela,
- b) opis poslova i zadataka radnog tijela,
- c) rok u kojem radno tijelo treba obaviti posao ili zadatak i podnijeti izvještaj Vladi, odnosno rukovodiocu,
- d) ime, prezime i naziv radnog mjesta sekretara radnog tijela, ukoliko je takvo lice određeno,
- e) odredbu o pravu na naknadu za rad u radnom tijelu u skladu sa ovom uredbom.

Član 7.

(Rok za obavljanje poslova i zadataka)

- (1) Rok za obavljanje poslova i zadataka radnog tijela ne može biti duži od 90 dana od dana obrazovanja radnog tijela, osim za stalna radna tijela.
- (2) Izuzetno od stava (1) ovog člana, u slučaju iznimno obimnih i složenih poslova i zadataka radnog tijela, rok za izvršenje posla odnosno zadatka može se produžiti za još 60 dana, o čemu odlučuje Vlada odnosno rukovodilac.
- (3) Smatra se da su poslovi i zadaci radnog tijela izvršeni nakon podnošenja izvještaja o radu iz člana 8. ove uredbe, nakon čega Vlada ili rukovodilac donose rješenje o utvrđivanju visine i isplati naknade za rad u radnom tijelu.

Član 8.

(Izvještaj o radu)

- (1) Izvještaj o radu radnog tijela, u zavisnosti od vrste posla ili zadatka radi kojeg je radno tijelo obrazovano, sadrži sljedeće elemente:
 - a) informaciju, analizu, izvještaj ili mišljenje radi kojeg je radno tijelo obrazovano,
 - b) radnu verziju propisa ili strategije, pripremljene u skladu sa aktom o obrazovanju,
 - c) broj donesenih rješenja i drugih pravnih akata iz nadležnosti radnog tijela ili utvrđenih prijedloga rješenja za Vladu ili rukovodioca u skladu sa aktom o obrazovanju,
 - d) izvještaj o provedenoj proceduri za izbor i imenovanje ili postavljenje, u propisanoj formi, u skladu sa aktom o obrazovanju.
- (2) Izvještaj o radu radnog tijela iz stava (1) ovog člana obavežno sadrži podatke o broju i vremenu održanih sjednica radnog tijela, kao i podatke o prisustvu članova radnog tijela sjednicama, te se uz navedeni izvještaj o radu radnog tijela obavežno prilažu i zapisnici sa održanih sjednica radnog tijela.

Član 9.

(Podnošenje izvještaja o radu)

- (1) Izvještaje iz člana 8. ove uredbe podnose predsjednici radnih tijela, i to:
 - a) za stalna radna tijela Vlade, obrazovana aktom Vlade - mjesečno, kvartalno ili polugodišnje Vladi, putem premijera Kantona ili rukovodioca, u zavisnosti na čiji je prijedlog radno tijelo obrazovano, najkasnije do petog radnog dana narednog mjeseca u odnosu na mjesec, kvartal ili polugodište za koji se podnosi izvještaj,
 - b) za povremena radna tijela Vlade, obrazovana aktom Vlade, po izvršenom poslu ili zadatku radi kojeg je radno tijelo obrazovano Vladi, putem premijera Kantona ili rukovodioca, u zavisnosti na čiji je prijedlog radno tijelo obrazovano,
 - c) za stalna radna tijela kantonalnih organa državne službe i stručnih službi - mjesečno, kvartalno ili polugodišnje rukovodiocu, najkasnije do petog radnog dana narednog mjeseca u odnosu na mjesec, kvartal ili polugodište za koji se podnosi izvještaj,
 - d) za povremena radna tijela kantonalnih organa državne službe i stručnih službi, rukovodiocu po okončanju posla ili zadatka radi kojeg je radno tijelo obrazovano.
- (2) Izuzetno od stava (1) ovog člana, u aktu o obrazovanju može se utvrditi drugačiji način podnošenja izvještaja sa naznačenim rokom.

POGLAVLJE III - PRAVO NA NAKNADU ZA RAD I NAČIN UTVRĐIVANJA VISINE NAKNADE ZA RAD

Član 10.

(Pravo na naknadu za rad)

- (1) Za rad u radnim tijelima, članovima radnih tijela pripada naknada za rad samo pod uslovom da su poslove i zadatke za koje su zaduženi aktom o obrazovanju obavljali izvan redovnog radnog vremena.
- (2) Izuzetno od stava (1) ovog člana, radna tijela zadužena za provedbu redovnog godišnjeg popisa stalnih sredstava, obaveza i potraživanja mogu raditi i u redovnom radnom vremenu ali samo na poslovima utvrđivanja stvarnog stanja i tada im pripada naknada za rad.

Član 11.

(Kriteriji za utvrđivanje visine naknade za rad)

Kriteriji za utvrđivanje visine naknade za rad članovima radnog tijela su:

- a) složenost i obim poslova i zadataka zbog kojih se obrazuje radno tijelo,
- b) potrebna stručnost članova radnog tijela,
- c) broj završenih predmeta,
- d) potreba praktičnog rada na terenu,
- e) obuhvat različitih oblasti,
- f) precizno određeni rokovi za izvršenje poslova i zadataka,
- g) broj održanih sjednica radnog tijela.

Član 12.

(Visina naknade za rad)

- (1) Članovi radnih tijela, u skladu sa članom 10. stav (1) ove uredbe, imaju pravo na maksimalnu mjesečnu naknadu za rad u radnom tijelu do visine jedne i pol (1,5) osnovice iz člana 5. Zakona o plaćama i naknadama u organima vlasti

Kantona Sarajevo ("Službene novine Kantona Sarajevo", broj 5/19, 40/22 i 6/25).

- (2) Tačan iznos odnosno visinu naknade za rad u radnom tijelu, svojim aktom utvrđuje Vlada, odnosno rukovodilac, za svako pojedinačno radno tijelo.
- (3) Naknada za rad se isplaćuje po izvršenom poslu ili zadatku i isključuje pravo na povećanu plaću za prekovremeni rad.
- (4) Naknade za rad u radnim tijelima, a koje se finansiraju od uplata fizičkih ili pravnih lica, ne ulaze u ograničenje iz stava (1) ovog člana.
- (5) Sekretaru radnog tijela pripada pravo na naknadu za rad u visini od 70% od visine naknade za rad za člana radnog tijela.

POGLAVLJE IV - SREDSTVA ZA ISPLATU NAKNADA ZA RAD I IZVJEŠTAVANJE O ISPLAĆENIM NAKNADAMA ZA RAD RADNIH TIJELA

Član 13.

(Isplata naknada za rad)

Naknade za rad iz člana 10. ove uredbe isplaćuju se:

- a) za članove stalnih radnih tijela Vlade i povremenih radnih tijela Vlade, koja su obrazovana aktom Vlade, na prijedlog premijera Kantona Sarajevo - iz sredstava Kabineta premijera ili iz sredstava organa državne službe ili stručne službe, na čiji je prijedlog lice imenovano za člana radnog tijela, što se precizira aktom o obrazovanju svakog radnog tijela pojedinačno,
- b) za članove stalnih radnih tijela Vlade i povremenih radnih tijela Vlade, koja su obrazovana na prijedlog rukovodioca - iz sredstava resornog organa državne službe ili iz sredstava organa državne službe ili stručne službe, na čiji je prijedlog lice imenovano za člana radnog tijela, što se precizira aktom o obrazovanju svakog radnog tijela pojedinačno,
- c) za članove radnih tijela kantonalnih organa državne službe i stručnih službi - iz sredstava organa državne službe ili stručne službe, što se precizira aktom o obrazovanju svakog radnog tijela pojedinačno.

Član 14.

(Dostava izvještaja Ministarstvu finansija Kantona Sarajevo)

- (1) Rukovodioci su dužni Ministarstvu finansija Kantona Sarajevo dostavljati kvartalno izvještaje o isplaćenim naknadama za rad članovima radnih tijela na koje se ova uredba primjenjuje.
- (2) Izvještaj iz stava (1) ovog člana sadrži tabelarni pregled članova svih radnih tijela, sa podacima iz akta o obrazovanju i aktom o isplati naknade za rad.

Član 15.

(Dostava izvještaja Vladi)

Ministarstvo finansija Kantona Sarajevo dostavlja Vladi godišnje izvještaje o visini isplaćenih naknada za rad članovima radnih tijela na koje se ova uredba primjenjuje.

POGLAVLJE V - PRELAZNE I ZAVRŠNE ODREDBE

Član 16.

(Ranije započeti postupci)

Radna tijela obrazovana prije stupanja na snagu ove uredbe, svoj rad će okončati u skladu sa odredbama Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci

kantonalnih organa državne službe ("Službene novine Kantona Sarajevo", broj 18/20).

Član 17.

(Prestanak važenja ranijeg propisa)

Danom stupanja na snagu ove uredbe prestaje da važi Odluka o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20).

Član 18.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-54032-8/25
20. novembra 2025. godine
Sarajevo

Premijer
Nihad Uk, s. r.